



JAVNA USTANOVA
DOM ZDRAVLJA
ZAVIDOVIĆI

*Gazi Husrev-begova 25
tel. (032) 878-877
fax (032) 879-088
e-mail: polikzav@bih.net.ba
web : www.dzzavidovici.ba*

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-2716/21

Datum:27.8.2021. godine

Upravni odbor JU «Dom zdravlja» Zavidovići na osnovu člana 38. Statuta JU «Dom zdravlja» Zavidovići i člana 70. i 89. Zakona o javnim nabavkama Bosne i Hercegovine («Službeni glasnik Bosne i Hercegovine» br. 39/14), na svojoj 12. sjednici održanoj dana 27.08.2021. godine, donosi

ODLUKU

o izboru najpovoljnijeg ponuđača za nabavku sanitetskog /zavojnog materijala

Član 1.

Okvirni sporazum za nabavku sanitetskog /zavojnog materijala za JU «Dom zdravlja» Zavidovići u količini potrebnoj za 12 mjeseci dodjeljuje se ponuđaču DIA PROM d.o.o. Posušje.

Član 2.

Ponuda ponuđača DIA PROM d.o.o. Posušje u provedenom konkurentskom zahtjevu za dostavu ponuda, imala je najnižu cijenu, te će se ovom ponuđaču ponuditi Okvirni sporazum za nabavku sanitetskog /zavojnog materijala za JU «Dom zdravlja» Zavidovići u količini potrebnoj za 12 mjeseci, u ukupnom iznosu od **22.861,15 KM bez PDV-a**, a što sa PDV-om iznosi **26.747,55**

Član 3.

Izabrani ponuđač ne mora dostaviti original ili ovjerene fotokopije sljedeće kvalifikacione dokumentacije:

a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

e) rješenje o registraciji ili aktuelni izvod iz sudskog registra

f) Potvrda (Rješenje) o upisu u registar proizvođača ili veletrgovaca medicinskih sredstava izdato od Agencije za lijekove i medicinska sredstva BiH.

Član 4.

Izabrani ponuđač ne mora dostaviti original ili ovjerene fotokopije dokumentacije iz člana 3. ove Odluke iz razloga jer je u ponudi dostavio ovjerene fotokopije sljedećih dokumenata:

- a) Uvjerenje Općinskog suda Široki Brijeg od 16.07.2021. godine da se protiv ponuđača ne vodi nikakav kazneni postupak, odnosno da nije podignuta optužnica, niti je vođen kazneni postupak i izrečena pravomoćna presuda zbog kaznenog djela učesća u kriminalnoj organizaciji, gospodarskog prijestupa, kaznenog djela korupcije, pranja novca ili prevare –ovjerena fotokopija od 17.07.2021. godine
- b) Uvjerenje Suda Bosne i Hercegovine od 17.06.2021. godine da ponuđaču nije izrečena pravosnažna osuđujuća presuda za krivična djela organizovanog kriminala prevaru, korupciju i pranje novca –ovjerena fotokopija od 19.07.2021. godine
- c) Uvjerenje Općinskog suda Široki Brijeg od 16.07.2021. godine da protiv ponuđača nije upisano provođenje, odnosno otvaranje stečajnog, niti likvidacionog postupka, niti je objavljeno okončanje stečaja i likvidacije, te da nije pod stečajem ili pred likvidacijom, niti je predmet postupka za proglašenje stečaja ili za izdavanje naloga za prisilnu likvidaciju, odnosno nije obustavljena poslovna djelatnost- ovjerena fotokopija od 19.07.2021. godine
- d) Uvjerenje Porezne uprave FBIH -Porezna ispostava Posušje od 17.06.2021. godine da ponuđač nema obaveza po osnovu javnih prihoda i da je izmirio sve obaveze po osnovu poreza i doprinosa na i iz plaće - ovjerena fotokopija od 19.07.2021. godine
- e) Uvjerenje Uprave za indirektno oporezivanje –RC Mostar od 19.05.2021. godine da ponuđač nema dospelih, a neizmirenih obaveza po osnovu indirektnih poreza- ovjerena fotokopija od 19.07.2021. godine
- f) Aktuelni izvod iz sudskog registra, od 16.07.2021. godine – ovjerena fotokopija od 19.07.2021. godine
- g) Rješenje Agencije za lijekove i medicinska sredstva BiH, o upisu u registar veletrgovaca medicinskih sredstava, broj: 10-07.12-6-6980-3/18 od 16.09.2019. godine – ovjerena fotokopija od 19.07.2021. godine.

Dokumenti navedeni u stavu 1. ovog člana evidentirani su u Zapisniku o pregledu i ocjeni ponuda, broj: 01-2.13-2506/21 od 12.08.2021. godine, a u Tenderskoj dokumentaciji, broj: 01-2.12-2108/21 od 07.07.2021. godine, u tački 2.USLOVI ZA KVALIFIKACIJU I POTREBNI DOKAZI, u podtački 2.3., propisano je da ponuđač može u ponudi dostaviti ovjerenu fotokopiju dokumentacije iz podtački 2.1. i 2.2. tenderske dokumentacije, te u slučaju da bude odabran kao najpovoljniji ponuđač ne mora ponovo dostavljati ovjerenu fotokopiju dokumentacije.

Član 5.

Ova odluka stupa na snagu danom donošenja.

Obrazloženje

Obavještenjem o nabavci br. 638-7-1-241-3-24/21 koje je objavljeno na portalu javnih nabavki dana 07.07.2021. godine pokrenut je konkurentski zahtjev za dostavu ponuda za nabavku sanitetskog /zavojnog materijala za JU «Dom zdravlja» Zavidovići u količini potrebnoj za 12 mjeseci.

Poziv za preuzimanje tenderske dokumentacije sa portala javnih nabavki, odmah po objavljivanju obavještenja o nabavci na portalu javnih nabavki, upućen je istovremeno trojici ponuđača i to: Globex d.o.o. Zenica, Sanam Stryka d.o.o. Sarajevo i Dia-prom d.o.o. Posušje.

Tendersku dokumentaciju za predmetnu nabavku sa portala javnih nabavki preuzelo je 17 ponuđača i to: BBS EUROPE, GLOBEX D.O.O. ZENICA, EKAPIJA D.O.O., EMEDING D.O.O., VGROUPE PALIS D.O.O., PHARMA MAAC D.O.O., PHOENIX PHARMA D.O.O., R&S D.O.O. SARAJEVO, ZEFARM D.O.O. ZENICA, BANJALUKAFARM-PLUS D.O.O. BANJA LUKA, MEDICAL PARTNERS, DIA-PROM D.O.O. POSUŠJE, NIVA D.O.O., KRAJINAGROUP D.O.O. BANJA LUKA, TKAONICA ČILIMA D.D. I ĐAKOVIĆ D.O.O.

Na adresu JU Dom zdravlja Zavidovići dostavljena je jedna ponuda i to: Dia-prom d.o.o. Posušje.

Komisija za javne nabavke (u daljem tekstu: Komisija) je izvršila otvaranje ponuda dana 21.07.2021. godine u Sali za sastanke u JU «Dom zdravlja» Zavidovići u 09,15 sati, kao što je naznačeno u tenderskoj dokumentaciji.

Nakon pregleda dostavljene dokumentacije Komisija za javne nabavke utvrdila je da ponuda odgovara uslovima iz tenderske dokumentacije, odnosno da je prihvatljiva ponuda u ukupnom iznosu od **22.861,15 KM bez PDV-a**, a što sa PDV-om iznosi **26.747,55**

U ovom postupku nabavke predviđeno je provođenje e-aukcije.

E-aukcija je način provođenja dijela postupka javne nabavke, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu e-Nabavke.

Nakon pregleda i ocjene ponuda za nabavku sanitetskog /zavojnog materijala za JU «Dom zdravlja» Zavidovići u količini potrebnoj za 12 mjeseci, utvrđeno je da je samo jedna ponuda prihvatljiva, usljed čega nije ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16 od 06.09.2016. godine), jer je u članu 3. istog Pravilnika propisano: “U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona.“

Kako se e-aukcija nije mogla zakazati ovaj ugovorni organ je postupio u skladu sa članom 3. Pravilnika o uslovima i načinu korištenja e-aukcije i mišljenjem Agencije za javne nabavke br. 04-02-2-1924-2/17 od 10.05.2017. godine.

U mišljenju Agencije za javne nabavke navedeno je da ukoliko smo u postupku javne nabavke zaprimili jednu prihvatljivu ponudu, a bili smo predvidjeli provođenje e-aukcije, koju nismo mogli zakazati, jer smo zaprimili samo jednu prihvatljivu ponudu, možemo nastaviti postupak nabavke i saglasno članu 69. stav (1) tačka a) Zakona, dodijeliti ugovor, te da informacije o predviđenoj e-aukciji i neodržavanju iste trebamo navesti u zapisniku o evaluaciji ponuda.

Kako ugovorni organ nije imao mogućnost da zakaže planiranu e-aukciju iz razloga što je primio samo jednu prihvatljivu ponudu, to je okončao ovaj postupak nabavke u skladu sa članom 69. Zakona o javnim nabavkama, odnosno dodjelom okvirnog sporazuma ponuđaču koji je dostavio prihvatljivu ponudu u skladu sa zahtjevima iz tenderske dokumentacije.

Cijeneći pravilnost provedenog konkurentskog zahtjeva za dostavu ponuda za nabavku sanitetskog /zavojnog materijala za JU «Dom zdravlja» Zavidovići u količini potrebnoj za 12 mjeseci, shodno odredbi člana 88. i 89. Zakona o javnim nabavkama Bosne i Hercegovine, te datu preporuku od strane Komisije za javne nabavke odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom u tri primjerka.

DOSTAVLJENO:

1. Dia prom d.o.o. Posušje
2. a/a

